

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-11-4-6277-6/21

Datum: 19.10.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka d), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-1859 od 08.04.2021. godine, u postupku javne nabavke redovnog održavanja motornih vozila u garantnom roku, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**o poništenju postupka javne nabavke LOT 2**

**I**

Poništava se postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo, i to:

- LOT 2 - redovno održavanje motornih vozila marke Citroen u garantnom roku.

**II**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

**Obrazloženje**

Na osnovu odluke broj: 02-11-4-6277/21 od 16.09.2021. godine i Obavještenja o nabavci broj: 16475-1-2-60-3-93/21 od 17.09.2021. godine, proveden je otvoreni postupak javne nabavke redovnog održavanja motornih vozila u garantnom roku za potrebe Uprave policije Ministarstva unutrašnjih poslova Kantona Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-6277-5/21 od 18.10.2021. godine, kojim je utvrdila slijedeće:

- da za LOT 2 - redovno održavanje motornih vozila marke Citroen u garantnom roku je pristigla jedna ponuda ponuđača ABC 1968 d.o.o. Sarajevo. Priložene potvrde navedenog ponuđača o uspješnoj realizaciji ne ispunjavaju uslov iz tačke 13.3. tehnička i profesionalna sposobnost u postupku nabavke usluga (član 50. Zakona) tenderske dokumentacije, koja glasi: „Spisak izvršenih ugovora i potvrdu/e (koja je u vezi sa spiskom ugovora) o uspješno realizovana najviše tri ugovora, iz oblasti predmetne nabavke, odnosno ugovora čiji je karakter i kompleksnost ista ili slična predmetnoj nabavci, u toku poslednje tri godine (2018-2020.), ili od datuma registracije privrednog subjekta, ukoliko je registrovan poslije navedenog perioda, u visini minimalno 50% od procijenjene vrijednosti predmetne nabavke.“ Procijenjena vrijednost nabavke za LOT 2 je 14.606,80 KM bez uključenog PDV-a, međutim 3 ugovora sa najvećim vrijednostima, a koji su navedeni u potvrdama dostavljenim na stranama od 37. – 45. ne daju 50% procijenjene vrijednosti nabavke za LOT 2.

U skladu sa naprijed navedenim, ponuda ponuđača BLOK d.o.o. Sarajevo nije prihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-11-4-6277/21 od 08.10.2021. godine.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka d) Zakona o javnim nabavkama („Službeni glasnik BiH“, broj: 39/14), riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.

**POLICIJSKI KOMESAR**  
**Generalni inspektor policije**

---

**Nusret Selimović**

**Dostaviti:**

1. Sektoru za materijalno-finansijske poslove
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a